

Publicaziuns ufficialas dils 8 da settember 2023

Vischnaunca Trun

Damonda da bagheggiar

Datum da publicazion: 08-09-2023

Potent: Plasch Vincenz

Via Principala 56, 7166 Trun

Representant: architectura tambornino

Via Principala 44, 7166 Trun

Object: Spazzament d'ina part dil mir existent, construcziun da quater novs parcadiis e construcziun d'in niev mir sin parcella 2523 a Trun

Zona: Zona da habitar e da mistregn (M3)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicazion. Protestas ein d'inoltrar en scret enteifer 20 dis dapi la publicazion alla suprastonza communal Trun.

Administraziun communal Trun

Project via Munt – Serrada dalla via Cartatscha

A partir dils 4 da settember 2023 vegn entschiet cun las lavurs vid il remplazzament dil catram sil tschancun dil rempar dalla Val Punteglias. Las lavurs vegnan a cuzzar biebein in meins.

La via Cartatscha ei serrada per tut il traffic e per pedunzs naven dils 4 da settember entochen ils 29 da settember 2023. Igl access als cuolms da Munt ed a Cartatscha ei pusseivels mo sur Campliun-Caltgadira.

Sclariment sur dil stan dallas lavurs dat il selvicultur da revier Mattias Cadruvi (079 417 49 57). Engraziel per la capientscha.

Vischnaunca Trun, Cellere SA, Uffeci d'uaul e prighels dalla natira

Cussegli pastoral Trun Schlans Zignau

**Viadi da pelegrinadi dalla Pleiv Trun a Madonna del Sasso,
sonda, ils 30 da settember 2023**

Program:

07:20 sentupada avon il Center communal

07:30 partenza cun autocar

09:30 pausa da caffè

11:00 s. messa da pelegrins en baselgia a Madonna del Sasso cun sur Tomasz

13:00 gentar communabel a Locarno

14:30 viadi cul Trenino tras il marcau ni temps a libra disposizion

15:30 partenza encunter casa

17:30 pausa da caffè e pusseivladad da visitar la caplutta da Sontga Maria Lucmagn

19:00 arrivada a casa

Nus selegrein sin tia annunzia entochen venderdis, ils 15-9-2023

Isabelle Defuns: 079 312 39 90,

Olivia Pfister: 076 594 35 65

Cordialmein envida

il Cussegli pastoral Trun Schlans Zignau

Uniun samaritana Sumvitg-Trun

Gliendisdis, ils 11 da settember allas 20.00. Exercezis per in e scadin cul tema «Cass da mintgadi ed improvisaziuns». Liug da sentupada a Sumvitg sper la stalla da Sep Benedetg Candinas.

Biblioteca Trun

**Prelecziun da Guido I. Tomaschett dil cudisch «Cavardiras»
mardis, ils 12 da settember 2023, allas 19.00**

El presenta siu roman che setracta dil temps dalla construcziun dalla Viafier Retica da Glion tochen Mustér e dil viaduct Russein ord la vesta dad in da Mustér emigraus en l'America e che tuorna e tscherca ses fastitgs famigliars.

Cordialmein envida

il team dalla biblioteca

Apparat d'udida

Gliendisdis, ils 11 da settember 2023 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan communablamein quei survetsch gratuit per tuts interessents. Ei drova negina annunzia.

Teater per affons

Il «Theater Eisenbarth» presenta danovamein in toc per famiglias cun affons naven da 3 onns. Soso e Sasa derivan dalla tiara d'artgs e setschentan sin tiara – accumpignei els sin lur aventuras! **Sonda, ils 16 da settember 2023** allas 16:00 en sala da cultura a Trun. Cuoz rodund 50 min., entrada libra (collecta).

Cumissiun da cultura Trun

Museum Cuort Ligia Grischa

Caffè ella Cuort cul tema «Gasettas romontschas naven da 1871»

Mesjamna, ils 13 da settember, allas 14.15 sentupein, discurrin e sfegliein nus ellas gassetas romontschas, silsuenter haveis la pusseivladad da guder petta e caffè (la consumaziun ei buc cumprida el prezi d'entrada).

Cuors da dar troccas cun Annalisa e Renata Cathomas

Empren il giug tradiziunal romontsch Troccas. Duront quater seras has ti la pusseivladad d'emprender d'enconuscher las cartas e trenar il giug. La tschunavla sera ha liug in pign turnier. Termins mintgamai allas 19.00:

25-09, 2-10, 9-10, 16-10, 23-10

Annunzias ed informaziuns per email sin museum@trun.ch ni per tel. 081 943 25 83 tochen ils 17-09-2023

Uniun da gimnastica da dunnas Ischi Trun

Mintgamai gliendisdis dallas 20.00 – 21.30 ha nossa ura da gimnastica liug aTrun. Nus essan ina gruppera da dunnas giuvnas e pli veglias e selegrein adina puspei sur da novas commembraas. Nies program da gimnastica ei zun varionts ed ei d'anflar sillla homepage sut www.trun.ch.

Ina ura da fuffergnadi ei da tut temps pusseivels.

Havein nus leventau vies interess? Lu s'annunziei tier

Adriana Albin, 078 793 43 55 ni

adriana.albin@outlook.com